

南華真經章句音義卷之二

習二

南華真經章句音義卷之二

習二

碧

虛

子

造

內篇齊物論二

齊我

南郭子綦音其成云楚昭王之度弟莊王之

司馬名定字子綦有道之士居于南郭因以

為號隱於靳切憑也凡音紀而噓音虛吐氣

為噓嗒焉吐荅切解體貌似容息浪切下同

其偶五口切匹也對也司馬云偶身也身與

神為偶成云身與神為匹物與我為偶文云

零偶者謂忘形神也顏成子游李云子綦弟
子也姓顏名偃謚成字子游何居斤於切處
也槁木古老切人籟力帶切簫管之音也風
俗通云舜作簫其形參差象鳳翼十管管長
二尺郭璞云簫管長一尺二寸一名為籟今

習二

詳其義籟者取其聲之衆也故有地籟天籟
非止簫籟之稱也地籟衆竅之聲也天籟即
人籟地籟之聲會歸天然故曰天籟夫音扶
大塊苦怪苦對二切元氣也混成也司馬云
大朴之貌噫乙戒切文云吐氣也萬竅苦弔

切怒呼胡刀切成云猶鼓怒呼叫也文云出
聲也琴琴良救切長風之聲也李作颶通作
琴畏於鬼鳥罪二切佳醉癸子唯二切李云
畏佳山阜貌成云扇動貌之竅崔本作窾似
鼻似口司馬云言風吹窾穴動作或似人鼻

或似人口似斝音雞柱上方木也今之斗檮
是也簡文云樽櫨也似圈起權其院二切杯
圈也徐邈曰如羊豕之闌圈也似曰其九切
注者鳥攜鳥蛙二切司馬云若注曲也汚者
音烏司馬云若汚下也激經歷切如水激也

古弔切司馬云聲若激喚也謫者音孝李虛
交切簡文云若箭去之聲司馬云若謹謫之
聲叱者昌實切司馬云若叱咄聲吸者許及
切司馬云若嘘吸聲叫者古弔切司馬云若
叫呼聲讓者音豪司馬云若讓哭聲突者於
堯切一音杳司馬云深者也若深突突然咬
者於交切又音狡司馬云聲哀切咬咬然唱
于如字唱喁五恭切又音愚李云于喁聲之
相和也冷風音零李云冷冷小風也小和胡
卧切下同飄風鼻遙切司馬云疾風也爾雅

云回風為飄厲風司馬云大風也向云烈風也濟子細切向云止也調調音條刁刁都堯切向云調調刁刁皆動搖貌比竹毗志必履二切自取成云猶自得也

齊智

大智閑閑何閒切安也小智閒閒古莫切閒別也炎炎于廉切成云猛烈也簡文云美盛貌詹詹音占李云小辯貌崔作閭閭魂交文云寐則魂神交合是陰闔也其覺古孝切形開文云覺則形識開張是陽闔也與接為構

人世接識構結懽愛縵者末旦切寬慢也窄者古孝切深固也密者隱匿也小恐曲勇切惴惴之瑞切心不寧也縵縵昏忘其性也機括古活切機弩牙括箭括詛側據切呪也盟音明誓也其殺色界切衰也其溺奴狄切其厭於葉切沒也如緘古咸切繩也老洫弋質切深也義取深溺江南古藏本作溢復陽陽謂生也哀樂音洛熱之涉切司馬云不動貌姚音遙輕浮貌一云長也佚音逸縱放貌一云過也啓詰以切開張貌態敎代切僑淫貌

一云意也蒸之膺切成菌其隕切芝菌也得
此忘言之道亦常道也未有彊名故云此也
真宰養生主也其朕除忍切兆也百骸戶皆
切成云百骨節也六藏江南古藏本作五藏
六府夫心肺肝脾腎謂之五藏大小腸膀胱
三焦謂之六府身別有九藏氣天地人天候
頭角之氣人候耳目之氣地候口齒之氣三
部各有天地人三三而九神藏五形氣四故
曰九舊本云六藏者謂腎有兩藏也其左為
腎右為命門也命門者謂精神之所舍也男

子以藏精女子以繫胞其氣與腎通故言藏
有六也賅古來切司馬云備也簡文云兼也
其遽音弟真君太一尊也恭然乃結切簡文
云疲病困之狀芒乎莫剛切芒昧也成心謂
妄成是非之心也與有如字黨與之與也神
禹史記云謚法泉源流通曰禹又受禪成功
曰禹字文命鯀之子啓之父也神禹者謂大
禹治水有神功故謂之神禹東巡狩至于會
稽而崩年百歲也吹也如字又叱瑞切猶鳴
也鷖音苦豆切司馬云鳥子欲出卵中而鳴

曰敲音一云破卵出鷄曰敲

齊是非

道惡乎隱音烏下同真偽或作真詭崔本作

真然者也儒墨儒學宗周公文王墨學宗夏

禹道樞尺朱切如戶樞之義中空而轉物也

習二

以指喻指之非指以馬喻馬之非馬夫指馬

四

之義自司馬彪向秀郭象至有唐名士皆謂

漆園寓言構意而成斯喻遂解疏者旨歸不

同今按公孫龍六論內有白馬指物二論乃

知漆園稽考述作有自來矣故備錄二論附

章句餘事之後以示將來云故爲于僞切下
以義求之莛音廷司馬云屋梁也楹音盈司
馬云屋柱也厲如字惡也李音賴病癩也西
施司馬云夏姬也按句踐所獻吳王美女也
恢苦回切大也簡文本作弔愧九委切成云
竒變也慵怪音決李云慵乖也怪異也其分
如字復通扶又切下以義求之幾矣音機盡
也謂之道句絕崔讀謂之道勞云因自然是
道之功勞狙公七徐切司馬云狙公典狙官
也崔云養獼狙者也廣雅云狙獼猴也賦芋

音序與杼同椽字也賦謂敷布之義朝三暮

四司馬云朝三升暮四升天均崔本作鈞陶

鈞也昭文之鼓琴司馬云古之善琴者師曠

成云字子野晉平公樂師或云賢大夫冀州

南和人生而無目善音律能致鬼神之枝策

習二

五

司馬云枝柱也策杖也崔云舉杖以擊節也

惠子之據梧成云謂惠施以梧為杙據而談

論猶隱杙者也或謂梧為琴非是故載之末

年以其始好不廢故書之於今也堅白之昧

終夫離堅白合同異前輩亦講說不一今備

錄公孫龍堅白論續指物白馬論之後以補
闕疑而其子又以文之綸終音倫綸緒也崔
云琴弦也雖我无成亦可謂成矣見江南古
藏本舊作雖我亦成也滑疑古没切亂也所
圖圖者規畫限域也謂域於分內棄而不用
也秋毫司馬云兔毫在秋而成至秋而失細
故以喻小也殤字短命者也或云年十九以
下為殤巧曆謂巧於曆數也

齊道

有封封域也有畛之忍切畛界畔也李音真

謂封域畛陌也有左有右左陽右陰有倫有義崔本作有論有議有分如字有辯別也有競有爭並逐曰競對辯曰爭又謂爭鬪之爭不稱尺證切不嗛欺篔切盈也又獲藏食處也不嗛者猶无所蓄藏也徐邈音謙謂不貪

故无所謙遜也仁常而不周見江南古藏本舊作成不伎之豉切逆也害也園五丸切圓也幾向其衣切天府无不藏葆光无不蔽也

齊治

堯舜並解逍遙篇宗膾古外切胥息徐切教

五高切三國名也崔云宗一膾二胥教三也
一云宗膾叢支胥教蓬艾喻其蕃國卑小十
日並出鴻烈解云堯時十日並出謂禛蠶也
俾羿射之中其九日烏落而死者謂九日潛
退也

齊物

習二

六

齧五結切缺丘悅切王倪五嵇切高士傳云
王倪齧缺並堯時賢人惡乎音烏下同庸詎
其據切字林未知詞也庸謂庸常也詎何也
偏死司馬云偏枯死也鱮音秋魚名惴之瑞

切慄音栗恂音荀並恐懼戰悚貌狻猴音袁
侯芻初俱切小爾雅云秆謂之芻豢音患司
馬云牛羊曰芻犬豕曰豢以所食得名麋音
眉成云似鹿而尾長薦戕練切司馬云美草
也三蒼云六畜所食曰薦螂音即蛆子餘切
蜈蚣也爾雅云蒺藜螂蛆似蝗大腹長角能
食蛇腦帶崔云蛇也螂蛆好食蛇眼鵠尺夷
切鳶也鴉於加切烏也嗜市志切徧匹羨切
狙七餘切司馬云徧狙一名獾狎似猿而狗
頭其雄喜與雌猿交異類牝牡也獾音葛狎

音臧或以獠狙為二名獠狎為二名皆非也
為雌如字又音妻毛嬙在良切越王美姬也
麗姬力知切晉獻公之嬖以為夫人也決喜
缺切驟士救切決驟疾貌崔云疾走不顧為
決驟樊然音煩樊然猶糾紛也殺亂何交切
謂殺饌之雜亂習二冰戶故切向云凍也崔云冰
涸也飄風振海毗霄切見江南李氏本舊關

齊死生

瞿鵲子其俱切士之道號也猶如鵲冠子長
梧子名立李云居長梧下因以為號隋文云

長梧封人夫子向云瞿鵲之師益浪並如字
向云益浪音漫瀾无所趣舍之謂李云猶較
略也崔云不精要貌或云率略也之行下益
切黃帝即本朝聖祖天尊也按大中祥符五
年十月二十四日真宗皇帝御製聖祖九天
司命保生天尊降臨記云吾人皇九人中一
人之數是趙之始祖吾於世有功故再降乃
軒轅黃帝母氏感電夢天人生於壽丘史記
云生而能言後得道升天聽敕定切瑩於迥
切認可道為妙常猶視玉色以耳聽也時夜

謂雞能司時夜見彈徒旦切鷓于驕切毛詩
草木疏云大小如斑鳩綠色其肉甚美可以
作炙陳藏器本草拾遺云鷓古入重其炙固
當肥美一名臬一名鷓吳人呼為魍魂惡聲
鳥也賈誼云鷓似鷓其實一物也一曰鷓鷓

妖鳥也之奚音兮何也審何聲也旁日月薄
莽蒲光二切依也挾戶牒切崔本作扶宇宙
治救切尸子云天地四方曰宇往古來今日
宙脂武軫切李云无波際貌向音脣若兩脣
之相合也滑古沒切亂也向本作汨昏音昏

滑潛紛亂未定貌愚茆徒奔切茆然无知直
往貌劉得一作茆莫報切注云若愚而昏茆
說文艸覆蔓也相蘊於本切積也予惡音烏
下惡乎同惡死烏路切弱喪息浪切文云秦
人狝孺移家于楚戀楚忘秦故云弱喪麗姬
已解在前艾封麗戎國艾地守封疆人之女
王所崔云獻公僭僭王斬音祈求也覺音教
下同竊竊竊竊自私自貌如竊盜之自私也弔
如字弔生日唁弔死日弔詭九委切其解音
蟹者是旦暮遇之也達道之士以萬世猶旦

暮王子年拾遺記云扶桑萬歲一枯長生人
視之如旦暮此其類爾

齊同異

黠闇音暗李云黠闇不明貌惡能音烏下同
天倪崔寔二音自然之分則是之異乎不是

也其无辯矣見江南古藏本舊作亦无辯然
若果然也則然之異乎不然也亦无辯矣見
江南古藏本舊无矣字化聲爭辯是非之聲
其猶變化耳曼音萬衍以戰切文云不停滯

貌司馬云无極貌振暢也止也无竟極也窮

也崔作境

齊因

罔兩郭云景外之微陰向云景之景也崔本

作罔浪云有无之狀曩乃蕩切李云鄉也无

特獨也或作持操與音餘蛇蚶音附成云蛇

背二

九

蚶蛇蛻皮也蜩翼成云蜩翼非翅也謂蟬蛻

殼也與寓言篇蜩甲同言非如蛇蚶蜩翼之

類有所因待吾之獨化出於自然何所待哉

齊化

胡蝶徒協切蛺蝶也栩栩況甫切文云適性

貌成云忻暢貌徐云喜貌崔本作翩翩自喻
李云快也成云曉也志與音餘下同覺古孝
切遽遽音渠李云有形貌文云驚怪貌崔本
作據據引大宗師云據然覺今本亦作遽
內篇養生主三

養性分

有涯魚佳切分也又作崖緣督以為經緣由
也督正也經常也以養羊尚切

得生理

庖丁白交切庖人丁其名也成云掌厨丁役

之人管子有屠牛坦一朝解九牛刀可剝毛
文惠君司馬云梁惠王也所倚於綺切所踦
音螳觸也刺也砉然呼鷓切司馬云皮骨相
離聲嚮然許文許亮二切奏進也騞然呼獲
切崔云聲大於砉也中音丁仲切下同桑林
司馬云湯樂名崔云宋儻樂名左傳襄十年
宋公享晉侯於楚丘請以桑林注桑林湯天
子之樂名經首司馬云咸池樂章名則堯樂
也或云秦樂名諳音熙歎聲也技具綺切下
同所好呼報切臣以神遇向云暗與理會謂

之神遇不以目視集道遺照官知止官法也
法在知止而理未可停是以一朝解九牛也
而神欲行空窾已忘批備結鋪迷二切擊也
大卻去逆切謂間卻交際之處大窾苦管切
空也肯苦等切著骨肉也一曰骨无肉也許

習二

十

叔重云骨肉肯肯著也縈苦挺切司馬云猶
結處也文云肯縈謂交聚也大輒音孤郭云
輒戾大骨也崔云縈結骨也良庖良善也割
也司馬云以刀割肉故歲歲更作崔云歲一
易刀猶堪割也族庖司馬云族雜也衆也斲

音刑磨石也為戒于偽切下同誅然化百切
成云骨肉相離之聲也已解音蟹下同牛不
知其死也見文如海劉得一本舊闕提刀徒
嵇切躄直留切躄直於切閑豫貌善刀而藏
之善穩善也收刀不麤惡也

遺刑累

父文軒司馬云姓公文氏名軒宋人也右師
官名宋人也惡乎音烏介音戒崔本作兀又
作既斷足也郭云介偏別也天與其人與並
如字又並音餘司馬云為天命為人事使獨

司馬云一足曰獨或獨曰介有與如字郭云
兩足共行曰有與

遠樊籠

澤雉澤中之雉也一啄陟角切不斲音祈求
也樊中音煩李云藩也所以籠雉也雖王于

習二

十一

沉切志氣盈豫貌又盛也

釋縣解

老聃吐藍切廣聖義云字伯陽或字聃生楚

國苦縣瀨鄉身長九尺蹈五把十美眉方口
雙柱三漏日角月淵具大聖之相居岐山之

陽西伯詔為守藏史康王時為柱下史昭王
時西度函關在周二百餘年秦失本又作佚
各依字讀老君友也三號戶羔切其人也文
本作至人也少者詩照切遁天徒遜切逃遁
天理也倍情布對切加也倍加俗情也哀樂
音洛下同二本作憂樂縣解崔云以生為縣
以死為解火傳直專切傳者相傳繼續也

南華真經章句音義卷之二共卅

